

January 1935

# 明張燮及其著述考

Chengqing XUE

Follow this and additional works at: [http://commons.ln.edu.hk/ljcs\\_1929](http://commons.ln.edu.hk/ljcs_1929)

 Part of the [Chinese Studies Commons](#)

---

## Recommended Citation

薛澄清(1935)。明張燮及其著述考。《嶺南學報》，4(2)，28-40。檢自：[http://commons.ln.edu.hk/ljcs\\_1929/vol4/iss2/3](http://commons.ln.edu.hk/ljcs_1929/vol4/iss2/3)

This Article is brought to you for free and open access by the Scholarly Publications of Lingnan University (Guangzhou) at Digital Commons @ Lingnan University. It has been accepted for inclusion in 嶺南學報 Lingnan Journal (1929-1952) by an authorized editor of Digital Commons @ Lingnan University.

## 明張燮及其著述考

薛 澄 清

### (一)張燮生平事蹟考

張燮之先世——張燮個人之生平——張燮之友朋，

張燮，明末福建龍溪人，明史無傳，惟康熙龍溪縣志文苑傳中有其小傳一篇（註一），謂其「字紹和，廷榜之子，萬曆甲午舉人，聰明敏慧，博極羣書……」云云。又漳州府志亦有張傳（註二），茲合併此項材料并自他項史籍所得者，將張燮生平事蹟，分下列三點言之：甲，張燮之先世；乙，張燮個人之生平；丙，張燮之友朋。

康熙龍溪縣志張燮傳，謂張燮為廷榜之子，唯張氏先世尙有可考者，茲述之如下：

查明漳浦黃道周為張燮之友（註三），今黃漳浦集中有二文，一為「萊峰張先生暨配林儒人墓碣」，及一為「張氏譜題詞」（註四），讀之俱可以考見張氏先世之情形，茲斷自張燮曾祖言之：

1. 詳見康熙龍溪縣志卷八頁三八。
2. 詳見漳州府志卷廿九人物頁七。
3. 詳見黃石齋年譜上頁六。年譜附刊在黃漳浦集中。編著者為莊起儒氏。石齋弟子洪思氏亦有黃氏年譜，畧同。
4. 此二文俱見黃漳浦集中，上文見卷廿七頁廿八，下文見卷廿八頁五四。

變曾祖爲誰？張綽是也，道周謂其「事孝宗爲尙書郎」(註五)，考之於乾隆龍溪縣志(註六)，在官績傳中吾人可以讀得張綽小傳，傳謂：綽爲弘治癸丑進士(西一四九三)，張變之曾祖也云云。據此，張綽爲變之曾祖，吾人可以深信無疑也。

張變父廷榜，據康熙龍溪縣志清介傳中廷榜傳(註七)謂「字登材，與兄棟齊名，成甲戌進士，令太平，慎獨簡任，爲民講律令，設鄉約，簡賦役……」。考之黃道周張大夫墓表(註八)謂廷榜爲「萬曆甲戌進士(西一五七四)，爲太平令……」云云，道周又稱：廷榜字春宇，生嘉靖乙巳(西一六零九)，卒年六十五，子一，張變是也。

道周與康熙龍溪縣志言廷榜之字不一，道周謂「春宇」，志謂「登材」，以史料性質言，道周自較可信，然此亦未可必，因古人好多名號，或者張廷榜當時有別字，亦未可知，故志所言，不妨存之。

今進而言張變本人之生卒年：

查此點，漳州府志，康熙乾隆兩龍溪縣志俱未明言，今茲所得，亦係根據黃道周集而得來者。黃道周張汰沃(按卽指張變，詳見下)哀詞(註九)有言曰：

「崇禎庚辰祓禩之月，紹和張先生考終於正寢，粵月朔日壬子，其友黃道周乃來自梁山，拊棺慟哭，爲哀辭以告於先生曰……」。

5. 詳見黃漳浦集卷廿八頁五四。

6. 詳見乾隆龍溪縣志官績傳頁廿四。

7. 詳見康熙龍溪縣志卷八頁十六。

8. 詳見黃漳浦集卷廿五頁三十四。

9. 詳見黃漳浦集卷廿七頁三十三。

按崇禎庚辰爲崇禎十三年，卽西歷一六四零年也。燮以是年卒，唯以何年生歟？茲再考黃道周「張煙叔集序」(註十)，則此問題便可解決矣。

序云：「予斤斤守經六十年矣，……不執筆於文人之前，……煙叔少紹和一歲，予少煙叔十歲，……紹和已歿，而煙叔嚬首，方與余尋先聖之微言，考前賢之素業……」。

查道周生於萬曆十三年(西一五八五)(註十一)，道周少煙叔十歲，煙叔少紹和一歲，是紹和先道周十一年而生，卽生於萬曆二年(西歷一五七四年)也。紹和生於一五七四年，死於一六四零年，是紹和享壽六十七歲也。

在此，吾人有應注意者：紹和生於一五七四年，時其父廷榜年爲三十，廷榜成進士，亦同在該一年也。迨後，廷榜死於一六零九年，時紹和年三十六云。

關於廷榜史蹟，尙有二事補誌：

乾隆龍溪志(註十二)云：「風雅堂在開元寺左，明里人張廷榜別業，萬曆辛丑(西一六零一)改爲詩社，諸名流時往來唱和焉。」據此，廷榜晚年(距其死前八年)曾與其子燮在漳結社吟詩也。(關於詩社事，容下文再詳之。)

黃道周亦云(註十三)：「……大夫(按卽指廷榜)林居益嗜古，蔣少

10. 詳見黃漳浦集卷廿一頁十七。
11. 黃石齋年譜上頁一。
12. 詳見乾隆龍溪縣志卷十一古蹟頁二。
13. 詳見黃漳浦集卷廿五頁四十四張大夫墓表。

宰，高太史，鄭司農，徐職方，載侍御，時與聘君（按卽指張燮，詳見下），爲元雲之會，因就大夫所居，側度壇游焉。

張燮之先世及其生卒年既知矣，茲再進而言其生平事蹟：

康熙龍溪縣志張燮傳謂：「燮聰明敏慧，博極羣書」，漳州府志亦稱其聰明異常，「十歲通五經」（註十四）。燮之先世，世代書香，曾祖爲進士，父亦爲進士，燮秉質優異，天資聰慧，固非無因也。

黃道周謂燮爲廷榜獨子，是燮無昆仲也。燮有否姊妹，待考。道周固未明言，但據此以定燮無女兒或女弟，則似不妥，因古傳文例，提人子而常不及其女也。

以下論燮之學歷及其性格：

康熙龍溪縣志燮傳稱：燮以萬曆午舉於鄉，萬曆甲午，卽西歷一五九四年，時燮二十一歲也。查諸選舉志（註十五），同燮於甲午年中舉者，尙有洪時蕃等七人，主榜者爲王畿。此八人中，惟洪時蕃以丁未成進士，餘並未有上進者；龍溪縣志選舉志進士表中暨進士題名碑上皆不見燮名，然則燮以舉人終其身，無可疑也。四庫提要之言可信，若夫王庸氏謂燮爲龍溪進士，是必筆誤也（註十六）。

燮生平好游山水，黃道周謂其「游覽天下名山」（註十七）；乾隆龍溪縣志亦稱其「游吳越三楚，所至皆有詩」（註十八）。燮游吳時，同鄉周起元仲

14. 詳見漳州府志卷四九絕遺中頁廿六。

15. 詳見康熙龍溪縣志卷七選舉志中頁十九。

16. 詳見『宋明間關於亞洲南方沿海諸國地理之要籍』，登史學與地理學第一期。

17. 詳見黃漳浦集卷廿五頁四十五。

18. 詳見康熙龍溪縣志卷廿一雜記頁十九。

先官應天巡撫(註十九)，漳州府志謂燮當日即容其幕下也。對於此事，漳州府志并載有逸聞一則(註二十)，其內容如下：

「海澄周公仲先，爲應天巡撫，適張紹和游吳，容其幕，一日偶論次周文襄撫吳狀，仲先曰：「文襄以治行勝，顧人品尙未十分」。紹和問其故，仲先曰：「文襄與王振往還」。紹和笑曰：「文襄不與王振往還，安得撫吳十年乎？」仲先曰：「吾則異於是」。其後仲先以忤璫得禍，有謂紹和曰：「周公起家省元，聯第甲科，致身中丞，當是地靈所鍾，胡一旦缺陷乃爾耶？」紹和叱之曰：「吾漳二百年來金紫相望，獨以身殉國者寥寥，今乃仲先忠臣孝子，天地正氣，此是鐘靈之最者，子反以爲缺陷耶？」」

讀此，可以見燮之性格！道周謂其「志高」，誠然也！

以下述燮之友朋：

燮在漳結社吟詩事，上已畧言之。此事康熙龍溪縣志張燮傳亦載之(註廿一)，其言曰：「結社芝山之麓，與蔣孟育，高克正，林茂桂，王志遠，鄭懷魁，陳翼飛稱七才子」。所謂「結社芝山之麓」之「芝山」，卽龍溪縣治西北之芝山。據志云，開元寺在芝山之麓，建於唐朝(註廿二)。燮詩社(原爲其父別業)在開元寺左(見上)，故亦可謂燮結社於芝山之麓也。

燮詩友名單，龍溪縣志燮傳所舉，與道周所提，(見上)一一對照之，道周所謂蔣少宰，卽龍溪縣志中之蔣孟育也，高太史卽高克正，鄭司農

19. 明史卷二四五有周起元傳。

20. 見漳州府志卷四八紀遺中頁十九。

21. 見康熙龍溪縣志卷八頁三八。

22. 見漳州府志卷十一古蹟頁二。

卽鄭懷魁(註廿三)。此外，據黃道周林深州傳(茂桂)中洪思註言，尙有薛道譽等，亦皆爲爨之吟友也(註廿四)。洪爲道周弟子，編有黃漳浦年譜，其言可信也。龍溪縣志所謂「七才子」，當無社友限於七人意，想謂此七子乃社中之中堅人物耳。

七才子雖多有詩集，(張爨著述，別詳於後)然至今失傳，求整部已不可得，惟朱彝尊：明詩綜(註廿五)及鍾惺：明詩歸(註廿六)各錄陳翼飛詩若干首，又龍溪海澄兩縣志藝文志中亦錄有高克正詩若干首，有心者選取而讀之可也。

爨生年友朋，除上述外，可考者，尙有：遊歷大家徐霞客氏(註廿七)，名詩家陳眉公(繼儒)，閩省曹學佺，藏書家徐煥氏(註廿八)，與晉江何喬遠氏等五人。何卽編著「閩書」與「名山藏」者，著述豐富，何氏尙有「皇明文徵」一書，編成於崇禎三年(西一六三零)，據書首「參較姓氏」，見得爨名，知爨曾助何氏編著此書也(註廿九)。又何與爨尙有一事極有關係，卽何嘗於崇禎十年薦爨於朝，預修實錄是也(註卅)，後事雖不果，而「徵君」之稱，

23. 康熙龍溪縣志卷八頁三十七有鄭傳，又海澄縣志卷九頁二十二有高克正傳，又據康熙龍溪縣志卷七頁五，知蔣爲萬曆十七年進士。
24. 見黃漳浦集卷廿五頁十一林深州傳。林深州卽林茂桂。
25. 詳見朱彝尊明詩綜卷六十頁十七，朱氏對陳詩頗重視，明詩綜共錄陳十五首。
26. 詳見鍾惺明詩歸卷五陳翼飛詩。
27. 詳見丁文江編：徐霞客先生年譜三十年，譜附印在商務印書館出版徐霞客游記上册。
28. 根據漳州府志卷五十頁十二。
29. 詳見皇明文徵書首參較姓氏頁四。
30. 詳見武夷山志。

却加諸燮身上矣(註卅一)。又道周常以汰沃稱燮,「汰沃」當是燮之別號或別字也(註卅二)。

燮所居曰「霏雲居」, 道周由漳浦來漳州, 卽寄寓於其家也。道周有文記之, 描寫極詳, 燮與道周, 龍溪縣志稱其友情「尤好」(註卅三)。燮死, 道周有文弔之。燮子凱甫死, 道周亦爲之作墓表, 其言曰:「八九歲歌詠翻客, 流覽百氏, 自是長進, 動與道叶, 十三歲而詩成, 十六歲而成其文章, 自吾所見, 道藝之就, 未有若是之迅者也。嗚呼, 凱甫不死, 明無徐李, 凱甫不亡, 唐無王楊!」其重視凱甫之言有如此。

燮死後, 其子孫情況如何, 不可知, 余就龍溪縣志明末以來人物一查, 仍無線索可見, 惟最後一事可述者, 卽燮入龍溪鄉賢祠是也。入祀鄉賢祠者, 自唐周匡物始, 計七十九人(註卅四), 燮爲此七十九賢中之一云。

## (二)張燮著述考

張燮著述究有若干種?——現存者若干?——張燮詩文之一擷

張燮死於西歷一六四零年, 上文已詳之。燮死後三年, 明亡。

明亡以後, 清代龍溪修志以康熙五十六年(西一七一七年)修成之一部爲最早(註卅五), 上距燮死年雖已逾七十餘年矣, 然龍溪地方志載存張燮著作, 却以此志爲最早。查之此志卷八燮傳謂「刻有七十二家文選

31. 黃道周爲燮父作墓表, 文中稱燮爲徵君, 詳見黃漳浦集卷二十五頁四十四。
32. 黃漳浦集中「與張紹和書」或作「與張汰沃書」。
33. 詳見康熙龍溪縣志卷八頁三十八燮傳。
34. 詳見乾隆龍溪縣志卷四頁五。
35. 主修者爲知縣江國棟等, 全書計十二卷六册, 今國立北平圖書館有之。



行世」，志中錄存燮著作，唯此一種而已。

迨後，乾隆廿七年龍溪新志又修成焉（註卅六）。查卷廿二藝文志所載燮著述為「手定七十二家文選」，「霏雲居前後集」。據此，是燮著述在康熙龍溪志原來只載一種，今乾隆龍溪縣志又多出一種。康熙乾隆兩志，有此差異，何故歟？此不可不明白之事也：

查乾隆龍溪縣志，書首有楊景素序，序作於乾隆廿七年，即志修成之日也。楊氏有言曰：

「蓋溪故有志，殘缺已久，時事遞更，非討論而纂輯之不可，茲燮舊例之十二卷，分為廿四卷，厘其舛錯，增其未備」（註卅七）。

據此，當日康熙龍溪縣志對於記載張燮著述，確有「舛錯」，故乾隆新志為之「增其未備」，多得張燮著述一種焉。

然以「博學多能」之燮，只有此二種著述，余終不之信焉，故復求諸漳州府志（註卅八），結果在漳志張燮傳（註卅九），得「閩中記」「羣玉集」「霏雲集」三種，又在漳志藝文志（註四十）張燮名下著述，再查得兩種為「東西洋考」與「手定七十二家文選」，漳州府志兩處共得五種，較之康熙龍溪縣志，多出四種，乾隆縣志多出三種，補充可云不少矣。然官傳地方志，載錄張燮著述者，尙有福建通志，余翻卷七十四明龍溪經籍一查，然後知

36. 主修者為知縣吳宜燮等，余所見者非乾隆間原刻本，乃係光緒間重刻本，計廿四卷十冊。

37. 詳見乾隆龍溪縣志書首楊景素序頁一。

38. 余所見者為光緒三年重刻本，計五十卷廿五冊。據該志凡例一云：此刻本乃重刻乾隆四十六年所修成者。

39. 詳見漳州府志卷廿九頁七。

40. 詳見漳州府志卷四十一頁九。

張燮著述，除上所列五種外，尚有下列七種，其書目如下：

1. 探寶緒言 一卷
2. 遜言原始 一卷
3. 居家必備 九十五卷
4. 偶記 十卷
5. 鏡吉錄 三卷
6. 北游稿 一卷
7. 藏真館集 四卷

以上就官修地方志材料，討論張燮著述，茲再就私家材料討論之：

上段不已言之乎？張燮有友曰徐燊（見上），按徐氏為明末福建著述家兼藏書家（註四一），著有徐氏家藏書目四卷（註四二），吾人查其書目，張燮著述，除所載同於地方志之「七十二家文選」及「東西洋考」兩書以外，又有兩種，為官修地方志所不載者：

一為「漳州府新志三十八卷」（與徐燊合著）

又一為「海澄縣志二十卷」（註四三）

查漳州府志，在宋凡三修，在明凡四修，一修於正德間，一修於嘉靖間，一修於萬曆間，一修於崇禎間，今本漳志卷首錄存所有舊序，諸書雖有不存者，其大概情形猶得考見也（註四四）。張燮等所修，即崇禎本，今見中國地方志備徵目。其書尚存，清康熙魏荔彤再修漳志，對於此志曾參

41. 近人楊立誠著「中國藏書家攷畧」（民國十八年出版），原書頁七十提及徐燊。
42. 余為所見者鈔本，藏國立北平圖書館，查書目長編（邵瑞彭編）亦云，此書只有傳鈔本，未見刻本。
43. 兩書俱見徐氏書目卷二頁十四。
44. 「在明凡四修」語據漳志卷首頁廿六特通阿補刻漳州府志序。

考引用，讀其所撰康熙志凡例第十八則（註四五）可知也。

又查康熙海澄縣志（註四六）卷之一，載有「海澄縣前志載筆姓氏」，知前志載筆者為張燮等，余恨舊志不可得，無由考見燮等澄志究如何。然取燮所著東西洋考與今所得及見之康熙海澄縣志一較，如卷十九頁十五所載「探金始末」，又如卷十一頁五所載「海上占驗謠」，俱與東西洋考雷同，一字不差，由此可見康熙志材料係據崇禎海澄志而來，而崇禎海澄志執筆者，燮確為其中一人，可無疑義矣。

統述上列各種史證，知燮共有著述十四種，十四種之外，余又在北平燕京大學圖書館查得張燮所纂「梁簡文帝御製集」一種，故張燮著述為余今考知者，結果共十五種，茲列舉之如下：

- 一 東西洋考 十二卷
- 二 羣玉集 八十四卷
- 三 霏雲集 六十卷
- 四 七十二家文選 三百五十一卷
- 五 漳州新府志（與徐鑾合著） 三十八卷
- 六 梁簡文帝御製集（纂） 十六卷
- 七 海澄縣志 二十卷
- 八 閩中記 未詳
- 九 探賈緒言 一卷
- 十 邇言原始 一卷
- 十一 居家必備 九十五卷

45. 詳見漳州府志卷首頁三十四。

46. 計廿卷四冊，康熙三十四年刻本，今藏國立北平圖書館。

十二 偶記 十卷

十三 鏡吉錄 三卷

十四 北游稿 一卷

十五 藏真館集 四卷

以上十五種，明史藝文志收錄者只東西洋考與羣玉集(註四七)兩種，四庫全書則獨收「東西洋考」而已。東西洋考為燮名著，凡稍注意中外交通史者，當無不知有此書，四庫全書著錄以外，尚有近今人士，如王庸，覺明，曹聚仁諸先生，亦嘗介紹其書，不可謂非張燮之幸也(註四八)。

張燮著述，除東西洋考外，最可注意者，尚有「七十二家文選」，此書不可不一述也。

按所謂「七十二家」，據福建通志及徐燭書目(註四九)云：為「漢魏七十二家」，其書共有三百五十一卷，在此時雖「久佚不傳」(註五十)，但明末編選漢魏文者，如張溥之「漢魏六朝百三名家集」(註五一)，及張運泰之「漢魏名文乘」(一名漢魏六十名家) (註五二)，皆曾取燮書為底本，此讀四庫全書漢魏六朝百三名家集提要 (註五三)，及張運泰自序 (註五四)，可以知

47. 羣玉集見八史經籍志中明史藝文志卷四頁十九，又東西洋考見同書卷二頁廿九。
48. 王庸文題為「宋明間關於五洲南方沿海諸國地理之要籍」，登史學與地理第一期(一九二六)；覺明氏文題為「關於三寶太監下西洋的幾種資料」，登小說月報第卅卷第一號；曹聚仁氏文題為「中國史上之南洋」，登南洋研究第一卷第一號。
49. 見徐氏家藏書目卷四頁一。
50. 詳見福建通志卷七十四頁七。
51. 此書計十函百冊，北平燕京大學有之，木刻本。
52. 此書燕京大學圖書館有之，明刻本，入藏貴重圖書室。
53. 詳見四庫全書提要。
54. 詳見漢魏名文乘張運泰自序頁七。

之，不必多贅也。

燮著述十五種中，惟「閩中記」不知其卷數，查閱各家書目，既不可得，又找求他書曾否引用，亦尙未見一點踪跡，此書與「探蠶緒言」等，想稿本已失，或刊行後今已失傳也，姑誌之以待後之發見。

總結上文，得下列三要點：

甲、張燮著述，現存者爲：「東西洋考」「漳州新府志」及「梁簡文帝御製集」等三種；

乙、張燮著述，今已失傳者爲：「羣玉集」「霏雲集」「七十二家文選」「海澄縣志」「閩中記」「探蠶緒言」「邇言原始」「居家必備」「偶記」「鏡吉錄」「北游稿」「藏真館集」等十二種；

丙、張燮著述卷數，總共約七百卷，(不可考者不計)，列表如下：

書名	卷數
1. 東西洋考	12
2. 羣玉集	84
3. 霏雲集	60
4. 七十二家文選	351
5. 漳州新府志	38
6. 梁簡文帝御製集	16
7. 海澄縣志	20
8. 閩中記	(未詳)
9. 探蠶緒言	1
10. 邇言原始	1
11. 居家必備	95
12. 偶記	10
13. 鏡吉錄	3
14. 北游稿	1
15. 藏真館集	4
總數爲	696卷

吾人觀此統計，當有一感想，即張燮著述，直可謂豐富也。昔者燮友陳眉公氏，嘗嘗有此意發表，其言曰：閩中唯有三著述家，侯官曹學佺，晉江何喬遠，與龍溪張燮是也（註五五）。然則燮真可當『博學之士』而無愧也。

余考張燮生平及其著述已畢，并樂就所及見之詩文，附帶介紹於此，聊供同好者之一鑒：

- 甲、清漳風俗考 見漳州府志卷四七，藝文六，頁七；
- 乙、圭嶼建塔後更建佛閣及文昌祠天妃宮募緣疏 全上；
- 丙、冬日游雲洞 見康熙龍溪縣志卷九頁十九；
- 丁、題秋圃晨機圖 見丁文江編徐霞客游記卷二十頁九十四；
- 戊、登九侯岩詩及南詔道中書事等 見詔安縣志卷十二頁九十三；
- 己、登晏海樓詩 見海澄縣志卷十六頁十六。

55. 詳見漳州府志卷五十頁十二。